

冠絕直省左陟名宦鄉賢諸祠埒焉東有表忠祠

明萬厯二年奉詔立

國朝乾隆四十一年江甯守臣因舊祠而廓大之在今府學東

敕諡烈愍祠

祀明北平都指揮使孫泰

後有顧侍郎祠竝詳祠祀志旁爲

御碑亭亭後有飛

霞飛雲諸閣鍾阜羣峯窺窗排闥朝煙霏青夕霞釀紫如置几席閒誠奇景也西有卞公墓蘇峻之亂卞壺巷戰死實葬此二子從焉寰宇記晉安帝末盜開卞壺墓剖棺掠之尸殭鬚髮蒼白面如生兩手拳爪甲透出手背勅給錢十萬營之厯代更修今尙巋然存矣墓東北有忠孝亭本名忠貞亭宋慶厯三年葉清臣取其父爲忠臣子爲孝子之言改曰忠孝并以目泉焉亭今廢墓前有全節坊又祠宇數楹今竝存北有嘉泰井與荀氏井對峙竝詳金石又北有謝公墩世說謝太傅登冶城悠然遠想有高世之志故名謝靈運撰征賦視冶城而北屬懷文獻之悠然李白詩冶城訪古蹟猶有謝公墩皆指此也亦名紅土山

其北曰倉山

在太平門外岔路口

此卽呂志指爲覆舟山者

其北曰姚坊山曰馬房山

地近明代驪驪羣曰尖山曰太平山皆相連

大壯觀山

在上元太平神策二門之間建康志周迴五里高二十八丈東連蔣山南際眞武湖陳宣帝起大壯觀於此因名山俯臨